

UGOVOR O POSLOVNO – TEHNIČKOJ SARADNJI

BR. 1370/19

Zaključen između:

1. **ZRAK d.d. Sarajevo**, Adema Buće 148, 71 000 Sarajevo, Bosna i Hercegovina, identifikacioni broj: 4200086870006, kojeg zastupa direktor Ismo Hebibović

i

2. **JAVNA USTANOVA „CENTAR ZA NAPREDNE TEHNOLOGIJE U SARAJEVU“**, Vilsonovo šetalište br. 9, 71 000 Sarajevo, Bosna i Hercegovina, identifikacioni broj: 4202589260003, (u daljem tekstu: Centar) koga zastupa direktor Ensar Mulaosmanović

I PREDMET UGOVORA

Član 1.

Predmet ovog Ugovora je regulisanje prava i obaveza ugovornih strana vezanih za uspostavljanje poslovno – tehničke saradnje istih, a u cilju poboljšanja ekonomske efikasnosti, poboljšanja likvidnosti i što boljoj realizaciji planiranih aktivnosti na domaćem i stranom tržištu.

Član 2.

Ugovorne strane imaju namjeru da realizacijom ovog Ugovora stvore uslove koji će trajati kao dugoročna saradnja.

Strane su u toku pregovora postigle punu saglasnost o ciljevima svoje saradnje i načinu njegove realizacije. Nalazeći zajedničke interese, ugovorne strane namjeravaju da razviju oblike saradnje koji proističu iz njihovih osnovnih djelatnosti.

II CILJEVI I NAČIN SARADNJE

Član 3.

Osnovni ciljevi koje potpisnice ovog Ugovora žele postići su:

- Zajednička istraživanja i razvoj proizvoda, tehnoloških procesa i sl.
- Zajednički nastup na tržištu;(razvoj, inovacije, optimizacije procesa i sl.;
- Angažiranje kapaciteta ugovornih strana pod što povoljnijim uvjetima;
- Korištenje raspoloživih resursa pod što povoljnijim uvjetima,
- Korištenje referenci, iskustava i poslovnih veza obje ugovorne strane na tržištu,
- Podjela troškova i smanjenje rizika u poslovanju;

- U slučaju zajedničkih ulaganja u određene projekte, dobit iz istih se dijeli na način da se za svaki pojedinačni posao ista reguliše Anexom ugovora.

Član 4.

Ugovorne strane su dužne da uzajamno razmjenjuju informacije i podatke, kao i izmjene, dopune ili potpuno nove činjenice od značaja za uspješnu realizaciju planiranih projekata.

Član 5.

U slučaju da se pojave novi zahtjevi i aktivnosti vezane za zajedničke projekte, ugovorne strane su saglasne da će u primjerenim i dogovorenim rokovima razmotriti dobijene prijedloge i iste odobriti, odnosno iznijeti primjedbe i sugestije.

Prijedlozi koji se odnose na nove zahtjeve i aktivnosti moraju biti u pisanoj formi.

Ovo se odnosi i na saglasnost.

III TAJNOST I RASKID UGOVORA

Član 6.

Ugovorne strane su suglasne da će sve informacije, podatke i dokumentaciju koja se odnosi na zajednički posao čuvati i da ih neće učiniti dostupnim trećim fizičkim i pravnim osobama, pa i nakon prestanka važenja ovog Ugovora.

Član 7.

Svaka strana može zahtijevati raskid ovog Ugovora, isključivo u slučaju opravdanog razloga, otkazni rok je najmanje 30 dana od najave raskida istog.

IV RJEŠAVANJE SPOROVA I ZAVRŠNE ODREDBE

Član 8.

Potpisnici ovog Ugovora su saglasni da sve eventualne sporove, koji proizađu tokom realizacije istog, rješavaju sporazumno u duhu dobrih privrednika, a u slučaju suprotnog, za rješavanje sporova nadležan je Općinski sud u Sarajevu.

Član 9.

Ovaj Ugovor stupa na snagu danom potpisivanja, a sačinjen je u 4 (četiri) istovjetna primjerka.

Ovaj Ugovor traje 12 mjeseci, a nakon isteka istog produžava se na neograničen period.

Svaka ugovorna strana zadržava za sebe po 2 (dva) primjerka Ugovora.



Sarajevo, 10.10.2019. godine

JU „Centar za napredne tehnologije u Sarajevu”
[redacted]
Ensar Mulaosmanović, dipl.inž.injg



Zrak dd Sarajevo

[redacted]
Isma Hebibović dipl.ecc

